

recta, & directio conuersa. Directio directa est, quæ fit secundum successionem signorum. Directio uero conuersa, est quæ fit contra successionem signorum. Ad propositum in directione directa locus anterior est locus significatoris dirigendi, & locus sequens, est locus ad quem fit directio: sed in directione conuersa è contrario. Locus anterior, est locus ad quem fit directio, & locus sequens est locus significatoris qui dirigitur. Et hoc quia in directione directa, locus ad quem fit directio, mouetur ad locum significatoris dirigendi, sed in directione conuersa fit è contrario, quia locus significatoris dirigendi, mouetur ad locum, ad quem fit directio. Item notandum quòd secundum communẽ opinionẽ hilech & planetæ directi debent dirigi secundum successionem signorũ, Partes uero & planetæ retrogradi debent dirigi cõtra successus signorũ, & hoc quia partes & planetæ retrogradi mouentur contra successus signorum. Ptolemæus tamen 3. quadripartiti capitulo 11. uidetur uelle, q̃ significator dirigẽ exi fuerit in parte orientali, seu in parte ascendente, dirigi debet secundum ordinationem signorum solummodo: sed si fuerit in parte occidentali, seu in parte descendẽte, dirigi debet non solumpe secundum ordinationem signorũ, sed etiã in cõtrarium ordinationis signorum. Dicit tamen Haliaben. capitulo præal cuncto, quòd alij sapientes non concordant in hoc. Item sciendum, est, quòd nisi Planeta, uel stella, ad quam fit directio, fuerit in una linea, uia, uel circumferẽtia cũ significatore qui dirigitur, siue fuerit fortuna uel infortuna, non apparebit multum eius significatio in bono uel in malo. Et hoc quia licet ipse planeta obtinet locũ significatoris secundum longitudinem, non obuiat ei secundum latitudinem. Si autem uolueris scire utrum hæc duo loca sint in eadem circumferentia, scias declinationẽ gradus significatoris, & eius partem, & similiter scias latitudinem significatoris, & eius partem. Et si ambæ fuerint in eadẽ parte, scilicet, septentrionali uel meridionali, aggrega eas simul: sed si fuerint in diuersis partibus, minue minorem de maiori, & habebis declinationem signatoris ab æquatore æquatam, quæ erit

n      septen-